

৭৬৯ ৪৪ **ছাচিহিত** **ছড়া**







খোকন খোকন করে মায়
খোকন গেছে কাদের নায় ?
সাতটা কাকে দাঁড় বায়
খোকন রে তুই ঘরে আয় ।



খোকা গেছে মাছ ধরতে
ক্ষীর নদীর কূলে ।
ছিপ নিয়ে গেল কোলা ব্যাঙ
মাছ নিয়ে গেল চিলে ।



নোটন নোটন পায়রাগুলি ঝোটন বেঁধেছে
ওপারেতে ছেলে মেয়ে নাইতে নেমেছে ।
দুই ধারে দুই রুই কাতলা ভেসে উঠেছে,
কে দেখেছে, কে দেখেছে ? দাদা দেখেছে ।
দাদার হাতে কলম ছিল, ছুড়ে মেরেছে—
উঃ, বড্ড লেগেছে !



আদুড় বাদুড় চালতা বাদুড়
কলা বাদুড়ের বে'—
টোপর মাথায় দে' ।
দেখতে যাবে কে ?
চামচিকেতে বাজনা বাজায়
খ্যাংরা কাঠি দে' ।



রামগরুড়ের ছানা হাসতে তাদের মানা,
হাসির কথা শুনলে বলে,
“হাসব না-না, না-না !”
সদাই মরে ত্রাসে ঐ বুঝি কেউ হাসে !
এক চোখে তাই মিটমিটিয়ে
তাকায় আশেপাশে



দোল্ দোল্ দোল্ !
কিসের এত গোল ?
খোকা আসছে বিয়ে করে
সাথে দু'শ ঢোল ।



খোকা যাবে রথে চড়ে
ব্যাঙ হবে সারথি ;
মাটির পুতুল লটর পটর
পিপড়ে ধরে ছাতি ।



চাঁদ উঠেছে ফুল ফুটেছে
কদম তলায় কে ?
হাতী নাচছে ঘোড়া নাচছে
সোনামণির বে' ।




খোকা যাবে স্বপ্নের বাড়ী
সঙ্গে যাবে কে ?
ঘরে আছে হলো বেড়াল
কোমর বেঁধেছে ।



হাট্টিমা টিম টিম
তারা মাঠে পাড়ে ডিম ।
তাদের খাড়া দুটো শিং
তারা হাট্টিমা টিম টিম ।



বাপ্রে কি ডানপিটে ছেলে !
কোনদিন ফাঁসি যাবে নয় যাবে জেলে ।
একটা সে ভূত সেজে আটা মেখে মুখে,
ঠাই ঠাই শিশি ভাসে গ্লোট দিয়ে ঠুকে !



উদ্‌বিড়ালে ক্ষুদ খায়,
চালে নাচে ফিঙে ;
পুঁটি মাছে গীত গায়
মাগুর বাজায় শিঙ্গে ।

ସାବିତ୍ରୀ ହଝା

22

ସଂକଳନ
ଦେବସାମୀ ମନ୍ତ୍ର
ଶିଳ୍ପୀ
ହରେନ୍ଦ୍ର କାହାଣୀ
ପ୍ରକାଶକା
ସୁମିତ୍ରା ବର୍ମା ମନ୍ତ୍ର



ସଂକଳନ

ଆମୀ ସୁକ୍ ଅଞ୍ଚଳୀ ଓ ସାମିକାତା

ସଂକଳନ

କି. ସାମ, ଟି ପିଟାମ

ସଂକଳନ : ଆଞ୍ଚ ଟିକା ମାତ୍ର